



Korištenje najodabranijih vremena u činjenju dobrih djela (Medina)

Hatib: dr. Husejn ibn Abdulaziz Alu Šejh

23. ramazan 1444. po Hidžri / 14. april 2023.

Hvala Allahu, Milostivom, Samilosnom, Oprostitelju, Plemenitom. Svjedočim da nema boga osim Allaha, jedinog, Koji nema druga, Uzvišenog, Velikog, i svjedočim da je naš vjerovjesnik Muhammed, sallallahu alejhi ve sellem, Njegov rob i poslanik. Allahu moj, smiluj mu se, spasi i blagoslovi ga, i njegovu porodicu i sve ashabe.

Bojte se Allaha, uspijet ćete, pokoravajte Mu se, bit ćete sretni i spašeni.

O vjernici, velika je vrijednost zadnjih deset noći ramazana, pa ih iskoristite, Allah vam se smilovao, u činjenju raznih vrsta pobožnih djela i pohitajte ka uzrocima postizanja Allahove milosti.

Poslanik, sallallahu alejhi ve sellem, posebno se trudio u posljednjih deset noći ramazana, kao ni u jednom drugom vremenu. Štaviše, kako opisuje njegova supruga Aiša, radijallahu anha, kada bi nastupila zadnja trećina ramazana, nij eintimno prilazio svojim suprugama, oživljavao je noći ibadetom i budio je svoju porodicu da zajedno s njim čine ibadet.

O vjernici, ne trošite uzaludno blagoslovljeno vrijeme koje vam je dato, i nastojte ga iskoristiti u raznim oblicima pobožnosti, zikru – spominjanju Allaha, učenju Kur'ana, udjeljivanju sadake – milostinje, dobrovoljnom namazu, dovi, i ne dozvolite da vam propadne nijedna od tih noći, kako biste zaslužili Allahovu uputu i pomoć i postigli nagradu Lejletul-kadra, noći koja je bolja od hiljadu mjeseci.

Poslanik, sallallahu alejhi ve sellem, rekao je: "Tražite Lejletul-kadr u zadnjoj trećini ramazana."

O vjernici, nemojte propustiti nijednu od ovih noći, u kojima je velika nagrada, vrijednost i dobro. Poslanik, sallallahu alejhi ve sellem, rekao je: "KoLejletul-kadr





provede u ibadetu (noćnom namazu), s čvrstom vjerom u Allaha i Njegovu nagradu, bit će mu oprošteni prošli grijesi.”

Trudite se u ovim dragocjenim trenucima i odabranim vremenima. Ko se bude trudio, uspjeh će i preteći će druge u dobru.

U hadisi-kudsijju kaže se: “O robovi Moji, to su vaša djela, koja vam zbrajam i koja ću vam predstaviti na Sudnjem danu) onakvima kakva ona zaista jesu. Ko bude našao dobro, neka zahvali Allahu, a ko bude našao nešto drugo, neka ne kori nikoga drugog osim samog sebe.”

Velik i nenadoknativ je gubitak da propuštaš prilike i uzroke za činjenje dobra, iskupljenje grijeha i povećanje deredža, koje ti je tvoj Gospodar darovao iz Svoje dobrote i milosti.

Vjerovjesnik, sallallahu alejhi ve sellem, rekao je za mjesec ramazan: “U njemu je noć koja je bolja od hiljadu mjeseci. Ko tu noć propusti, propustio je svako dobro.” (Ovaj hadis vjerodostojnim su ocijenili neki učenjaci hadisa.)

Od znakova Allahove upute i pomoći čovjeku, u zadnjoj trećini ramazana, jeste da to vrijeme provede u itikafu i tako u svom mjestu oživi ovaj vrijedni sunnet, a cilj itikafa je da se u potpunosti posveti ibadetu i u osami doziva svoga Boga i Stvoritelja, a kako su to samo lijepi i ugodni trenuci.

Buhari i Muslim bilježe da je Allahov Poslanik, sallallahu alejhi ve sellem, boravio u itikafu u zadnjih deset dana ramazana.

Zuhri je rekao: “Čudno li je stanje muslimana! Ostavili su itikaf iako ga Vjerovjesnik, sallallahu alejhi ve sellem, nije izostavio od svog dolaska u Medinu pa sve do smrti.”

O vjernici, činite što više dobrih djela u ovim noćima i nastojte da se približite Gospodaru nebesa i Zemlje. Uzvišeni kaže: “... i činite dobro da biste postigli ono što želite.” (El-Hadždž, 77)

O muslimani, jedna od obaveza muslimana u ramazanu je izdvajanje zekatul-fitra. Njegovo odabrano vrijeme je neposredno pred odlazak ljudi na bajram-namaz,





dozvoljeno ga je dati i dan-dva prije Bajrama, a zabranjeno ga je odgađati do poslije bajram-namaza.

Ibn Abbas, radijallahu anhu, rekao je: "Allahov Poslanik, sallallahu alejhi ve sellem, naredio je zekatul-fitr, kao vid čišćenja postača od beskorisnog i nepristojnog govora i da se njime nahrane siromasi. Ko ga izvrši prije namaza, bit će prihvaćeno od njega kao propisana sadaka, a ko ga izvrši poslije namaza, tretirat će se kao obična sadaka."

Propisano je, također, učenje tekbira nakon zalaska sunca zadnjeg dana ramazana, kao što kaže Uzvišeni: "... da određeni broj dana ispunite, i da Allaha veličate zato što vam je ukazao na Pravi put, i da zahvalni budete" (El-Bekara, 185). Učenje tekbira traje do završetka bajramske hutbe.

Veličajte svoga Gospodara, da bi vam On uvećao nagradu.

Znajte da vam je Allah naredio da donosite salavate i selame na Njegovog Vjerovjesnika, pa je rekao u mudroj Objavi: "Allah i meleki Njegovi blagosiljaju Vjerovjesnika. O vjernici, blagosiljajte ga i vi i šaljite mu pozdrav!" (El-Ahzab, 56)

Molim Allaha da i meni i vama podari blagoslov u časnom Kur'anu, i da podari da nam koriste njegovi ajeti i mudra opomena. Rekoh ovo i od Uzvišenog Allaha tražim oprost za sebe, za vas i sve muslimane od svakog grijeha, a tražite i vi, On mnogo prašta i On je milostiv.

